



Broj: 01-50-1-15-57/09.
Sarajevo, 9. jula 2009.

DOM NARODA
PARLAMENTARNE SKUPŠTINE
BOSNE I HERCEGOVINE

PREDMET: O b a v j e š t e n j e

Na 57. sjednici, održanoj 8. jula 2009., Predstavnički dom Parlamentarne skupštine BiH uz ostale je razmatrao i materijale koji su u nadležnosti Doma naroda, kako slijedi:

1. Prijedlog zakona o zabrani diskriminacije (drugo čitanje);
2. Prijedlog zakona o izmjenama i dopunama Zakona o osiguranju depozita u bankama BiH (drugo čitanje);
3. Prijedlog zakona o protuminskom djelovanju u BiH (prvo čitanje);
4. Prijedlog zakona o izmjeni Zakona o državnoj himni BiH (prvo čitanje);
5. Prijedlog zakona o izmjenama i dopunama Zakona o imunitetu BiH (prvo čitanje);
6. Prijedlog zakona o izmjenama i dopunama Zakona o plaćama i naknadama u institucijama BiH (prvo čitanje);
7. Izvještaj Zajedničke komisije oba doma o usaglašavanju teksta Zakona o izmjenama i dopunama Zakona o Graničnoj policiji BiH;
8. Godišnji izvještaj Visokog sudskog i tužilačkog vijeća BiH za 2008.;
9. Izvještaj o učešću pripadnika Oružanih snaga, policijskih i državnih službenika BiH u operacijama podrške miru za period od 1.7.2008. do 31.12.2008.;
10. Imenovanje člana Upravnog odbora Javnog radiotelevizijskog servisa BiH iz srpskog naroda (Rang-lista kandidata Regulatorne agencije za komunikacije);
11. Imenovanje članova iz Predstavničkog doma u Stalnu delegaciju Parlamentarne skupštine Bosne i Hercegovine u Parlamentarnoj skupštini Mediterana;
12. Davanje saglasnosti za ratifikaciju:
 - a) Sporazuma između Vijeća ministara BiH i Vlade Države Izrael o ukidanju viza za nosioce diplomatskih i službenih pasoša,
 - b) Sporazuma između Vijeća ministara BiH i Vlade SR Njemačke o finansijskoj saradnji u 2006. godini,
 - c) Sporazuma između Vijeća ministara BiH i Vijeća ministara Republike Albanije o uzajamnim putovanjima državljana,
 - d) Dodatka uz Memorandum o razumijevanju između Vijeća ministara BiH o Programu za saradnju s tržištima u nastajanju (PSOM),
 - e) Zasebnog aranžmana između Frankfurta na Majni i Bosne i Hercegovine, koju zastupa Ministarstvo finansija i trezora BiH, kao i Federacije BiH, koju zastupa Federalno ministarstvo finansija, i Republike Srpske, koju zastupa Ministarstvo finansija Republike Srpske,
 - f) Konvencije o identifikacionim dokumentima pomoraca iz 2003. godine,
 - g) Konvencije o klauzulama o radu (javni ugovori), broj: 94 iz 1949. godine, i Preporuke o klauzulama o radu (javni ugovori), broj: 84 iz 1994. godine, Međunarodne organizacije rada,

- h) Konvencije o zaštiti i korištenju prekograničnog vodotoka i međunarodnih jezera – Helsinki, 17. mart 1992.;
- i) Konvencije o radu na nepuno radno vrijeme, broj: 175 iz 1994. godine, i Preporuke o radu na nepuno radno vrijeme, broj: 182 iz 1994. godine, Međunarodne organizacije rada,
- j) Konvencije o sigurnosti i zdravlju u rudnicima, broj: 176 iz 1995. godine, i Preporuke o sigurnosti i zdravlju u rudnicima, broj: 183 iz 1995. godine, Međunarodne organizacije rada,
- k) Konvencije o radu kod kuće, broj: 177 iz 1996. godine, i Preporuke o radu kod kuće, broj: 184 iz 1996. godine, Međunarodne organizacije rada,
- l) Konvencije o privatnim agencijama za zapošljavanje, broj: 181 iz 1997. godine, i Preporuke o privatnim agencijama za zapošljavanje, broj: 188 iz 1996. godine, Međunarodne organizacije rada,
- m) Konvencije o zaštiti materinstva, broj: 183 iz 2000. godine, i Preporuke o zaštiti materinstva, broj: 191 iz 2000. godine, Međunarodne organizacije rada,
- n) Konvencije o sigurnosti i zdravlju u poljoprivredi, broj: 184 iz 2001. godine, i Preporuke o sigurnosti i zdravlju u poljoprivredi, broj: 192 iz 2001. godine, Međunarodne organizacije rada;
- o) Konvencije o radu na moru (MLC) iz 2006. godine Međunarodne organizacije rada,
- p) Konvencije o radu u ribolovu, broj: 188 iz 2007. godine, i Preporuke o radu u ribolovu, broj: 199 iz 2007. godine.

Ad. 1.

Prijedlog zakona o zabrani diskriminacije usvojen je u prvom čitanju sa sljedećim amandmanima:

Amandman I.

U članu 2. stav (1) Prijedloga zakona u drugom redu riječ „razlikovanje“ briše se.

U istom stavu iza riječi „položaja“ dodaju se riječi: „i spola“, a naredni tekst koji glasi: „bračnog ili porodičnog statusa, trudnoće i materinstva, dobi, zdravstvenog stanja, invaliditeta, genetskog naslijeđa, spola i osjećaja pripadnosti spolu“ **brišu se.**

Također u istom članu, na kraju stava (1) iza riječi „sloboda“ **dodaje se tekst:** „u svim oblastima javnog života“, a preostali dio teksta **briše se.**

Amandman II.

U članu 4. st. (5), (6) i (7) Prijedloga zakona brišu se.

Amandman III.

U članu 5. Prijedloga zakona dodaju se tač. g) i h) koje glase:

„ g) stavljanje u nepovoljniji položaj pri uređivanju prava i obaveza iz porodičnog odnosa kada je to određeno zakonom, a posebno s ciljem zaštite prava i interesa djece, što mora biti opravdano legitimnom svrhom, zaštitom javnog morala, kao i pogodovanju braka u skladu s odredbama porodičnih zakona;

h) prilikom zasnivanja radnog odnosa, uključuju u članstvo, te u djelovanju koje je u skladu s naukom i poslanjem registriranih crkava i vjerskih zajednica u BiH, kao i druge javne ili privatne organizacije koja djeluje u skladu s ustavom i zakonima, ako tako zahtijevaju vjerske doktrine, uvjerenja ili ciljevi.“

Amandman IV.

U članu 6. stav (1) u tački b) Prijedloga zakona iza riječi „sporta“ stavlja se tačka, a preostali dio rečenice briše se.

Amandman V.

U članu 6. stav (1) u tački n) Prijedloga zakona na kraju teksta iza riječi „djece“ umjesto tačke stavlja se zarez i **dodaje** tekst koji glasi: „u skladu s odredbama porodičnog zakona.“

Amandman VI.

U članu 24. Prijedloga zakona iza stava (2) dodaje se novi satav (3), koji glasi:

„(3) Ovaj zakon ne prejudicira odredbe i uslove koji su utvrđeni u međunarodnim ugovorima i sporazumima s vjerskim konfesijama, čime se ne dira u njihovu djelatnu, normativnu i organizacionu autonomiju i princip punog uživanja prava vjerskih sloboda i izražavanja.“

Ad. 2.

Prijedlog zakona o izmjenama i dopunama Zakona o osiguranju depozita u bankama BiH usvojen je u drugom čitanju – u predloženom tekstu.

Ad. 3.

Prijedlog zakona o protuminskom djelovanju u BiH usvojen je u prvom čitanju.

Ad. 4.

Prijedlog zakona o izmjeni Zakona o državnoj himni BiH u prvom čitanju nije dobio entitetsku većinu, pa slijedi postupak usaglašavanja u Kolegiju Doma kao komisiji.

Ad. 5.

Prijedlog zakona o izmjenama i dopunama Zakona o imunitetu BiH usvojen je u prvom čitanju.

Ad. 6.

Prijedlog zakona o izmjenama i dopunama Zakona o plaćama i naknadama u institucijama BiH usvojen je u prvom čitanju, sa sljedeća dva zaključka (prvi zaključak na prijedlog nadležne komisije, a drugi na prijedlog iz rasprave):

1. Predstavnički dom Parlamentarne skupštine BiH zadužuje Vijeće ministara BiH da u najkraćem roku svim poslanicima u Domu dostavi pismo namjere koje su vlasti u BiH uputile Međunarodnom monetarnom fondu, a koje je osnov standby aranžmana s MMF-om, kao i informaciju o toku i rezultatima pregovora s MMF-om, a s ciljem pravovremenog informiranja poslanika.

2. Obavezuje se Vijeće ministara BiH da, u okviru daljnjih pregovora o kreditnim aranžmanima s MMF-om i drugim međunarodnim finansijskim institucijama, u roku od 30 dana donese program ušteda i racionalizacije javne potrošnje u institucijama BiH u svrhu većeg doprinosa ukupnoj racionalizaciji javne potrošnje i pravednijoj raspodjeli tereta restrikcija u socijalnom sektoru, te održavanja i povećanja nivoa podsticaja za poljoprivredu, preduzetništvo i druge instrumente za borbu protiv krize i recesije u Bosni i Hercegovini.“

Ad. 7.

Usvojen je Izvještaj Zajedničke komisije oba doma o usaglašavanju teksta Zakona o izmjenama i dopunama Zakona o Graničnoj policiji BiH.

Ad. 8.

Dom je primio k znanju Godišnji izvještaj Visokog sudskog i tužilačkog vijeća BiH za 2008.

Ad. 9.

Usvojen je Izvještaj o učešću pripadnika Oružanih snaga, policijskih i državnih službenika BiH u operacijama podrške miru za period od 1.7.2008. do 31.12.2008., s Mišljenjem Zajedničke komisije

za odbranu i sigurnost BiH i izmjenama koje Komisija predlaže u vezi s nivoom učešća u Liberiji, Sudanu i na Kipru – **da se uskladi s već odobrenim nivoom učešća za tekuću 2009. godinu.**

Ad. 10.

Predstavnički dom je za člana Upravnog odbora Javnog radiotelevizijskog servisa BiH iz srpskog naroda imenovao prvog kandidata s rang-liste, Aleksandra Bogdanića.

Ad. 11.

U skladu s članom 173. stav (2) Poslovnika Predstavničkog doma, a u skladu s kriterijima utvrđenim na sjednici Zajedničkog kolegija oba doma (2 : 1), za članove Stalne delegacije Parlamentarne skupštine Bosne i Hercegovine u Parlamentarnoj skupštini Mediterana iz Predstavničkog doma imenovani su Azra Alajbegović i Momčilo Novaković.

Ad. 12.

Predstavnički dom dao je saglasnost za ratifikaciju svih akata iz ove tačke.

S poštovanjem,

PREDSJEDAVAJUĆI
PREDSTAVNIČKOG DOMA
Beriz Belkić